



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

62. Nicander Sacerdos ante Sacramentorum administrationem non habet aliam voluntatem, quàm more aliorum Sacerdotum induendi se sacris vestibus, logum designatum adeundi, & cætera consueta faciendi, ...

urn:nbn:de:hbz:466:1-40942

non percutitur homo, qui scitur esse Clericus, sed percussio huius Clerici casu accidit, & præter omnem intentionem, ut proinde, cessante voluntario, locum excommunicatio amplius non reperiat.

LXII. Nicander Parochus curis, negotijs, & colloquijs varijs ita frequenter distrahitur, vt ante Sacramentorum administrationem non aliam habeat voluntatem, quam more aliorū Sacerdotum sacris vestibus induendi, locum designatum audeundi, & cetera consueta faciendi, quam incuriam & mentis occupationem, cum aliquando aperires Confessario suo, grauis ei iniectus est scrupulus de Sacramentis invalide administratis, quo scrupulo etiamnum vehementer angitur. Quæritur. Vtrum voluntas prædicta sufficiens sit intentio à Trident. sess. 7. Can. II. ad effectiōnem Sacramenti requisita, ut illa præsentē, Sacraenta valide administrata fuisse censeatur?

Videtur non esse sufficientem ex communione Theologorum. Tum quia voluntas illa nec est intentio actualis, quam admittunt omnes: nec virtualis ex priori actuali remanens, quam itidem omnes agnoscunt sufficientem: nec deniq; habitualis, siue illa actualis, quā quis Sacramentum Ordinis accepit, ut Sacerdos & Minister Christi fieret, ac nunquam eam retractauit, quam sufficientem agnoscere videntur Valentia Tom. 4. D. 3. q. 5. pun. 3. & Henriquez in Sum. l. 1. c. 10. num. 2.

Tum quia intentio faciendi solum exteriorem actum in conficiendis Sacramentis ex communi Catholic; non sufficit, ut videre est apud Dicastillo Tr. 1. de Sacr. in genere. D. 3. n 46. Atqui voluntas illa videtur talis solum intentione. Ergo &c.

Resp. Probabile esse, Nicandrum validè voluntate illâ suâ confecisse Sacra menta. Ita Reginaldus in praxi Tom. 2. l. 26. c. 3. n. 38. quem sequitur Diana P. 2. Tr. 17. resol. 32. Ratio est. Tum quia induere Sacerdotales vestes, & cum his conferre se ad altare, aliisque peragere, est medium ex institutione Ecclesiæ ad celebrationem Missæ. Ergo eo ipso quod Nicander velit more solido vestes sacras induere, introire ad altare &c. Virtualem habet intentionem. Tum quia volens suscipere Subdiaconatum more cæterorum censemur virtualiter velle castitatem, quæ ex ordinatione Ecclesiæ ipsi est annexa, etiam si eius intentionem aliam non habuerit. Item volens profiteri in aliqua Religione more aliorum ad omnia virtualiter se astringit, quæ in illa obseruari debent, etiam si hoc aperte non expresserit. Ergo etiam volens induere vestes sacras more aliorum Sacerdotum vult virtualiter Sacmentū confidere, etiam si hoc nullâ actuali volitione expressè intenderit. Tum quia S. Athanasius cum puer olim alias pueros baptizaret, verum confecit Sacramen-

tum,

tum, ut iudicauit Alexander Patriarcha Alexandrinus, & tamen revera non videtur aliud voluisse, quam affundere aquam, & proferre verba eo modo, quo facere vidit alios baptizantes, nullam autem aliam actualem & expressam intentionem habuisse, quam expresse vellet Sacramentum, ut obiectum. Ergo voluntas talis sufficit ad valorem Sacramentorum. Tum quia nisi haec voluntas sufficit, haud immerito magni scrupuli & anxietates excitari possunt in Ecclesia apud fideles de suo Baptismo, absolutione, alijsque Sacramentis ritè susceptis, cum non raro Sacerdotes vel nullam actualem & expressam intentionem habeant, vel semel habitam interuenientibus varijs curis & negotijs ita denuò interrumptant, ut in nullo suo effectu virtualiter permanere putari facile possit.

*Ad 1. in contrarium dicimus, hanc voluntatem esse virtualem intentionem eo modo explicatam, quo diximus, videlicet quia virtute quasi æquipollat actuali, & perinde se habet, ac si diceret Nicander: *volo & intendo induendo has sacras vestes facere, quod facit Ecclesia, & de facto his annexuit.* Ad 2. negamus minorem, cum toto cœlo distent; nam intentio ista fertur in actum externum, nudè spectatum, & ut separabilem à Sacramento: minimè vero voluntas Nicandri, quæ tendit in actum exteriorum, ut de facto connexus est ab Eccle-*

sia cum ratione Sacramenti, hoc ipso quod velit non quomodo cunque induere sacras vestes, sed more aliorum Sacerdotum, qui ex institutione Ecclesiaz easdem induunt ad efficiendum Sacramentum. Quamvis virtualis isthac intentio nunquam suadenda sit, sed melior eligenda, si tamen sola aliquando adhibetur in administratione Sacramenti, sufficiens videtur esse, ut vi illius valor Sacramenti iure subsistere censeatur.

LXIII. Orestes in officio est apud virum quemdam primarium, & magnâ apud hunc gratia potest. Verum labitur frequenter cum fœmina quendam apud eundem Dominum commorante. Lapsus hunc dum explicat in Confessione, iubeturque occasionem peccati proximam deserere, ait, absq; notafamæ, & graui incommodo suo facere hoc se non posse: aliunde vero non esse in sua potestate, fœminam illam amouere: pollicetur interim media præscripta pro emendatione adhibere, at omnibus his tentatis, & absolutione sacramentali aliquoties data, nihil emendationis subsequitur, sed lapsus carnis frequentatur continuò. Quaritur. Verum Orestes tandem absolui poscit, & non potius cogi debeat ad occasionem proximam deserendam etiam cum grauiori suo incommodo?

Videtur Orestes cogendus ad occasionem proximam deserendam: secùs, non absoluendus. Ita Suarez, Graffius, Reginald. in praxipœnit. Tom. I. l. 8. n. 19. & plerique alij.

Tum